

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ՆԱԽԿԻՆՈՒՄ ՆԵՐԿԱՅԱՑՎԱԾ ԹԻՎ ԳԲՔԱ-ՆԳ-2020/05 ԾԱԾԿԱԳՐՈՎ ԲՈՂՈՔԸ ՎԱՐՈՒՅԹ ԸՆԴՈՒՆԵԼՈՒ, ՆՈՐ ԾԱԾԿԱԳԻՐ ՏԱԼՈՒ ԵՎ ԳՈՐԾԻ ՔՆՆՈՒԹՅՈՒՆԸ ՍԿՁԲԻՑ ՍԿՍԵԼՈՒ ՄԱՍԻՆ

Բողոքի ծածկագիրը և ամսաթիվը՝ ԳԲՔԱ-ԼՕ-2020/17, 10.01.2020թ.

Բողոք բերող անձ՝ «Արմենֆարմ» ՍՊԸ

Պատվիրատու՝ «Վանաձորի բժշկական կենտրոն» ՓԲԸ

Գնման ընթացակարգի ծածկագիրը՝ «ՎԲԿ-ԳՀԱՊՁԲ-20/3» գնանշման հարցում

Գնման առարկան՝ «Վանաձորի բժշկական կենտրոն» ՓԲԸ-ի կարիքների համար քիմիական նյութերի ձեռքբերում:

Բողոքի պահանջը՝

1. Դադարեցնել հանձնաժողովի 24.12.2019թ. ժամը 11:00-ին կայացած նիստի թիվ 3 արձանագրության 6-րդ կետով «Խաչպար» ՍՊԸ-ին ընթացակարգի 36, 37 և 41-րդ չափաբաժինների մասով 1-ին տեղ զբաղեցնող մասնակից ճանաչելու մասին որոշումը.
2. Դադարեցնել հանձնաժողովի 26.12.2019թ. թիվ 4 որոշմամբ ընթացակարգի 36, 37 և 41-րդ չափաբաժինների մասով «Խաչպար» ՍՊԸ-ի հայտը հրավերի պահանջներին համապատասխան գնահատելու և ընտրված մասնակից ճանաչելու մասին որոշումը .
3. Դադարեցնել 26.12.2019թ. կայացած և www.gnumner.am կայքում հրապարակված պայմանագիր կնքելու մասին որոշումը՝ ընթացակարգի 36, 37 և 41-րդ չափաբաժինների մասով:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:


ՀՀ Գնումների հետ կապված բողոքները բննող անձին

Բողոք բերող անձ՝ <<Արմենֆարմ>> ՍՊԸ

հասցե՝ ք. Երևան, Միկոյան 25/18

էլ հասցե՝ armenpharmllc@gmail.com

հեռ՝ 010572892



Պատվիրատու՝ <<Վանաձորի Բժշկական Կենտրոն>> ՓԲԸ

հասցե՝ ք. Վանաձոր, Գ. Նժդեհի փողոց 2/42

Գնման ընթացակարգի ծածկագիրը և առարկան՝ <<ՎԲԿ-ԳՀԱՊՁԲ-20/3>>

ծածկագրով գնանշման հարցման մրցույթ,

քիմիական նյութերի ձեռքբերում

ԲՈՂՈՔ

1. Բողոքի առարկան, փաստացի հիմքերը և ապացույցները.

<<Վանաձորի Բժշկական Կենտրոն>> ՓԲԸ-ի /այսուհետ նան՝ Պատվիրատու/ կողմից քիմիական նյութերի ձեռքբերման նպատակով հայտարարվել է <<ՎԲԿ-ԳՀԱՊՁԲ-20/3>> ծածկագրով գնման ընթացակարգ /այսուհետ նան՝ Ընթացակարգ/:

Ընթացակարգի հրավերի թիվ 6 հավելվածին՝ պայմանագրի նախագծին կից ներկայացված թիվ 1 հավելվածով՝ տեխնիկական բնութագրով /այսուհետ նան՝ Տեխնիկական բնութագիր/ 36, 37 և 41-րդ չափաբաժինների համար սահմանվել է հետևյալը.

ՏԵՆՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՅՈՒՅՑ

հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը և ապրանքային նշանը	տեխնիկական բնութագիրը
36	33621643	ԱՆԻՈՂԻՄՍԻՆԵՐԺԻ ՖԵՐՄԵՆՏԱՏՈՒՎ ԼՎԱԳՈՂՆՅՈՒԹ՝ և նախատեսված	Չորս և ավելի ֆերմենտ պարունակող բազմակոմպոնենտ խտանյութ: Խտանյութից ստացված աշխատանքային լուծույթները չեն առաջացնում մետաղների ժանգոտում, չեն վնասում ցերմազգայուն նյութերը, լավ լվացվում են: Կիրառվում է տարբեր նյութերից

		<p>բժշկական իրերի և վաճառման համար</p>	<p>բժշկական արտադրատեսակների, ներառյալ վիրաբուժական (այդ թվում խողովակ ունեցող), միկրովիրաբուժական և ատամնաբուժական (այդ թվում պտտվող) գործիքների ձեռքային եղանակով նախամանրեագրումային մաքրման համար, կոշտ և ձկուն էնդոսկոպների ձեռքային եղանակով նախնական և նախամանրեագրումային մաքրման համար (եզրափակիչ՝ բարձր մակարդակի ախտահանումից առաջ, էնդոսկոպներին կից գործիքների ձեռքային եղանակով նախամանրեագրումային մաքրման համար: Լվացող միջոցը պետք է երաշխավորված լինի կամ Storz, կամ Olympus, կամ Fujinon, կամ Pentax բժշկական սարքավորումներ արտադրող ընկերությունների կողմից նյութի պատճառով սարքավորման խափանումից խուսափելու համար: Լվացող միջոցի գործարանային փաթեթավորումը 5լ տարայով: Մատակարարման պահին խտանյութի ժամկետի 1/2-ի անկայություն : Ունենա որակի հավաստագիր, ՀՀ ԱՍ օգտագործման մեթոդական հրահանգ:</p>
<p>37</p>	<p>33621643</p>	<p>Անիոսգել Յականեխիզգել ձեռքերի հիգիենիկել վիրաբուժական մշակման համար</p>	<p>Անիոսգել : Բաղադրությունը - դենատուրացված էթանոլ 60%-75%, իզոպրոպանոլի անկայության դեպքում՝ քանակը չգերազանցի 5%-ը, ինչպես նաև խոնավեցնող, հարթեցնող, փափկեցնող, պաշտպանիչ հավելումներ նախատեսված ձեռքերի մաշկի խնամքի համար: Այն իրենից ներկայացնում է հիպոալերգիկ, տիքստրոպիկ գել (մաշկի վրա վեր է ածվում հեղուկի՝ օժտված բարձր թափանցելիությամբ): Տոքսիկ չէ, չունի տեղային գրգռող, մաշկառեգորթիչ և գերզգայունացնող ազդեցություններ: Չպետք է պարունակի հոտավետ բաղադրիչներ: Հականեխիզ գելը պետք է նախատեսված լինի վիրաբույժների, բուժական անձնակազմի ձեռքերի հիգիենիկ մշակման համար՝ հաստատված ՀՀ Առողջապահության նախարարության մեթոդական հրահանգներով: Ախտահանիչ նյութը պետք է ունենա մանրէասպան ազդեցություն գրամբացասական և գրամդրական մանրէների, (այդ թվում ներհիվանդանոցային վարակների հարուցիչների, տուբերկուլյոզի միկոբակտերիաների), վիրուսների (արտաբնդերային հենպատիտներ, ՄԻԱՎ-վարակ), սնկերի (ներառյալ Կանդիդա ցեղի խմորասնկեր) և կատամբ ինչը հաստատված լինի ՀՀ Առողջապահության նախարարության կողմից հաստատված մեթոդական հրահանգներով: Հակամանրեային երկարացված ազդեցությունը պահպանվի անվազն 3 ժամվա ընթացքում: Փաթեթավորումը - 1 ձավալի պոլիէթիլենային տարա դիսպենսերով: Մատակարարվող ապրանքի պահպանման ժամկետը ոչ պակաս քան 3 տարի: Մատակարարման պահին ապրանքի ժամկետի անվազն 1/2-ի անկայություն Վտանգավորության աստիճանը- 4-րդ, 5-րդ դաս: Տարան դրզավորող պոմպով է՝ 1 սեղումը 1,5մլ, մեկ հիգիենիկ մշակումը ոչ ավել քան 3մլ- մինչև 30վրկ., մեկ վիրաբուժական մշակումը ոչ ավել քան -6մլ - մինչև 90վրկ. : Մշակումից հետո ձեռքերի լվացում չի պահանջում: 1լ նախատեսված է ոչ պակաս քան 333 հիգիենիկ կամ 167 վիրաբուժական մշակման համար: Ունենա որակի հավաստագիր: ՀՀ ԱՍ օգտագործման մեթոդական հրահանգ: 1 հատման լիտր</p>
<p>41</p>	<p>24451140</p>	<p>Ստերանիոս Բարձր մակարդակի ախտահանող (ԲՄԱ) և մանրէազերծող նյութ - Գլուտարալ դեհիդրատ 20%: Խտանյութ</p>	<p>Ստերանիոս : Բաղադրությունը- Գլուտարալդեհիդ 20%, հակակոռոզիոն հավելումներ,կայունացնող նյութեր և այլ օժանդակ բաղադրամասեր: Փաթեթավորումը- 0.5լիտր կամ այլ ձավալի պոլիէթիլենային տարա: 0,5լիտր խտանյութից պատրաստվում է 2% 5լիտր աշխատանքային լուծույթ՝ բազմակի օգտագործման համար, որի պիտանելիության ժամկետը ոչ պակաս, քան 30 օր է: Խտանյութից աշխատանքային լուծույթ կարելի է պատրաստել ըստ անհրաժեշտ ձավալի: Խտանյութի պիտանելիության ժամկետը՝ 3 տարի: Ունենա թեստ զովը լուծույթի պիտանելիությունը վերահսկելու համար: Ախտահանիչ նյութի pH 5,5-6,5: Աշխատանքային լուծույթը նախատեսված է բժշկական նշանակության գործիքների, առարկաների, էնդոսկոպների ախտահանման,բարձր մակարդակի ախտահանման,մանրեագրման և սպորագերծման համար: Ախտահանման տևողությունը մինչև 10 րոպե:</p>

			Բարձր մակարդակի պատահական տնօրոջությունը մինչև 10րոպե: Մակրեազերծման և սպորազերծման տնօրոջությունը մինչև 60րոպե: Վտանգավորության աստիճանը- 3-րդ, 4-րդ դաս: Ունի որակի հավաստագիր, ՀՀ ԱՆ օգտագործման մեթոդական հրահանգ: 1լ-1 կգ
--	--	--	--

Ընթացակարգին մասնակցելու նպատակով, ի թիվս այլ ընկերությունների 36, 37 և 41-րդ չափաբաժինների համար հայտ են ներկայացրել <<Արմենֆարմ>> ՍՊԸ-ն և <<Խաչպար>> ՍՊԸ-ն /այսուհետ նաև՝ ընկերություն/:

<<Խաչպար>> ՍՊԸ-ն թիվ 1.1 հավելվածով՝ առաջարկվող ապրանքի ամբողջական նկարագրով, 36, 37 և 41-րդ չափաբաժինների համար ներկայացրել է տեխնիկական բնութագրերով սահմանված ապրանքներին անհամապատասխան (ոչ համարժեք) բնութագրերով ապրանքներ (Հավելվածը կցվում է), այն է՝ 36-րդ չափաբաժին - որպես ազդող նյութ՝ միջոցը պարունակում է պրոտեազա պրոտեոլիտիկ ֆերմենտ, 37-րդ չափաբաժին- որպես հիմնական ազդող նյութ պարունակում է ալկիլդիմեթիլբենզիլամոնիումի քլորիդ՝ 0,1%, որպես սիներգետիկ բաղադրիչ՝ իզոպրոպանոլ (պրոպանոլ - 2)՝ 40% և 41-րդ չափաբաժին - <<Ստերոքս>>, գլուտարալդեհիդ 2,7 % -5]:

Ընթացակարգի գնահատող հանձնաժողովի /այսուհետ նաև՝ Հանձնաժողով/ 24.12.2019թ. ժամը 11:00-ին կայացած նիստի թիվ 3 արձանագրության 6-րդ կետի համաձայն՝ Ընթացակարգի 36, 37 և 41-րդ չափաբաժինների մասով <<Խաչպար>> ՍՊԸ-ն ճանաչվել է 1-ին տեղ զբաղեցնող մասնակից, իսկ <<Արմենֆարմ>> ՍՊԸ-ն՝ 2-րդ տեղ:

www.gnumner.am կայքում 2020թ. հունվարի 8-ին հրապարակված պայմանագիր կնքելու մասին որոշման համաձայն՝ Հանձնաժողովի 26.12.2019թ. թիվ 4 որոշմամբ հաստատվել են ընթացակարգի բոլոր մասնակիցների կողմից ներկայացված հայտերի՝ հրավերի պահանջներին համապատասխանության գնահատման արդյունքները, որի համաձայն ընթացակարգի 36, 37 և 41-րդ չափաբաժինների մասով <<Խաչպար>> ՍՊԸ-ի հայտը գնահատվել է հրավերի պահանջներին համապատասխան, ինչով պայմանավորված ընկերությունը ճանաչվել է ընտրված մասնակից:

2. Բողոքի իրավական հիմքերը.

<<Գնումների մասին>> ՀՀ օրենքի /այսուհետ նաև՝ Օրենք/ 13-րդ հոդվածի համաձայն.

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձևաբանման և

վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառությանին (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, Էսբիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին

համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ. թիվ 526-Ն որոշմամբ հաստատված կարգի /այսուհետ նաև՝ Կարգ/ 40-րդ կետի 5-րդ ենթակետի համաձայն՝ հանձնաժողովը հրավերի պահանջների նկատմամբ բավարար գնահատված հայտեր ներկայացրած մասնակիցներից որոշում և հայտարարում է ընտրված և հաջորդաբար տեղեր զբաղեցրած մասնակիցներին: Ապրանքների գնման դեպքում հանձնաժողովը գնահատում է նաև ներկայացված ապրանքի ամբողջական նկարագրերի համապատասխանությունը հրավերի պահանջներին:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Օրենքի 36-րդ հոդվածի 2-րդ մասի համաձայն՝ սույն օրենքի 10-րդ հոդվածով սահմանված անգործության ժամկետը լրանալուն հաջորդող չորս աշխատանքային օրվա ընթացքում պատվիրատուն ծանուցում է ընտրված մասնակցին՝ ներկայացնելով պայմանագիր կնքելու առաջարկը և պայմանագրի նախագիծը: Ընդ որում, պայմանագիրը կարող է կնքվել ոչ շուտ, քան սույն օրենքի 10-րդ հոդվածով սահմանված անգործության ժամկետը լրանալու օրվան հաջորդող երկրորդ աշխատանքային օրը:

Օրենքի 46-րդ հոդվածի 1-ին մասի համաձայն՝ յուրաքանչյուր անձ իրավունք ունի բողոքարկելու պատվիրատուի, գնահատող հանձնաժողովի և գնումների բողոքարկման խորհրդի գործողությունները (անգործությունը) և որոշումները:

Նույն հոդվածի 3-րդ մասի համաձայն՝ յուրաքանչյուր անձ իրավունք ունի սույն օրենքի համաձայն նախքան պայմանագրի կնքումը բողոքարկելու պատվիրատուի և

գնահատող հանձնաժողովի գործողությունները (անգործությունը) և որոշումները գնումների բողոքարկման խորհրդին:

Օրենքի 50-րդ հոդվածի 2-րդ մասի 1-ին կետի համաձայն՝ եթե բողոքը ներկայացրած անձը բողոքարկում է՝ պայմանագիր կնքելու որոշումը, ապա բողոքը ներկայացվում է սույն օրենքի 10-րդ հոդվածով նախատեսված անգործության ժամանակահատվածում:

Օրենքի 50-րդ հոդվածի 7-րդ մասի 1-ին կետի համաձայն՝ խորհուրդը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ,

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման,

գ. փոփոխելու ընդունված որոշումները.

Նույն հոդվածի 9-րդ մասի համաձայն՝ բողոքի քննությունը բաց է հանրության համար, բացառությամբ պետական գաղտնիք պարունակող գնումների: Բողոքն ստանալու օրվանից հաշված՝ մեկ աշխատանքային օրվա ընթացքում, այդ մասին խորհուրդը հայտարարություն է հրապարակում տեղեկագրում:

Օրենքի 51-րդ հոդվածի 1-ին մասի համաձայն՝ Գնումների բողոքարկման խորհուրդը ներկայացված բողոքն ինքնաբերաբար կասեցնում է գնման գործընթացը՝ սույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

3. Բողոքի վերլուծությունը և պահանջը.

Այսպիսով, <<Վանաձորի Բժշկական Կենտրոն>> ՓԲԸ-ի կողմից քիմիական նյութերի ձեռքբերման նպատակով հայտարարվել է <<ՎԲԿ-ԳՀԱՊՁԲ-20/3>> ծածկագրով գնման ընթացակարգ:

Ընթացակարգի հրավերի թիվ 6 հավելվածին՝ պայմանագրի նախագծին կից ներկայացված թիվ 1 հավելվածով՝ տեխնիկական բնութագրով նախատեսվել է ձեռքբերել՝ 36-րդ չափաբաժին - Անիոզիմ սիներժի Ֆերմենտատիվ լվացող նյութ՝ նախատեսված բժշկական իրերի լվացման համար, 37-րդ չափաբաժին - Անիոզգել Հականեխիչ գել ձեռքերի հիգիենիկ եւ

վիրաբուժական մշակման համար, 41-րդ չափաբաժին - Ստերանիոս Բարձր մակարդակի ախտահանող (ԲՄԱ) և մանրէազերծող նյութ - Գլուտարալդեհիդ 20% Խտանյութ:

<<Խաչպար>> ՍՊԸ-ն, թիվ 1.1 հավելվածով՝ առաջարկվող ապրանքի ամբողջական նկարագրով, 36, 37 և 41-րդ չափաբաժինների համար ներկայացրել է իր առաջարկը:

Ստորև ներկայացնում ենք՝ <<ՎԲԿ-ԳՀԱՊԶԲ-20/3>> ծածկագրով գնման ընթացակարգի հրավերով նախատեսված ապրանքների՝ 36, 37 և 41-րդ չափաբաժինների, տեխնիկական բնութագրերի և <<Խաչպար>> ՍՊԸ-ի կողմից ներկայացված՝ 36, 37 և 41-րդ չափաբաժինների, ապրանքների տեխնիկական բնութագրերի միջև առկա անհամապատասխանությունները (ներկայացված է նաև «Արմենֆարմ» ՍՊԸ-ի առաջարկը)։

2/2	Անվանում	Հրավերով պահանջվող ապրանքների տեխնիկական բնութագիր	«Խաչպար» ՍՊԸ-ի կողմից առաջարկվող նյութի տեխնիկական բնութագիր	«Արմենֆարմ» ՍՊԸ-ի կողմից առաջարկվող նյութի տեխնիկական բնութագիր	Տեխնիկական բնութագրի անհամապատասխանությունը գնման ընթացակարգի շրջանակներում ներկայացրած ապրանքների տեխնիկական բնութագրերին
36	Անիոզիմ սիներժի ֆերմենտատիվ լվացող նյութ՝ նախատեսված բժշկական իրերի լվացման համար	Չորս և ավելի ֆերմենտ պարունակող բազմակոմպոնենտ խտանյութ: Խտանյութից ստացված աշխատանքային լուծույթները չեն առաջացնում մետաղների ժանգոտում, չեն վնասում ջերմազգայուն նյութերը, լավ լվացվում են: Ունենա որակի հավաստագիր, ՀՀ ԱՆ օգտագործման մեթոդական հրահանգ:	«Տուրբիլոն Ե» ախտահանիչ միջոցը իրենից ներկայացնում է բարձր խտությամբ, ջրում լուծելի, համասեռ դեղին հեղուկ յուրահատուկ հոտով և ցածր փրփուրառաջացմամբ: Որպես ազդող նյութ միջոցը պարունակում է պրոտեոլիտիկ ֆերմենտ, լրացուցիչ անիոնային մակերեսային ակտիվ նյութեր, ֆունկցիոնալ հավելումներ: Ունի ԵՏՄ սերտիֆիկատ և ՀՀ ԱՆ հաստատված մեթոդական հրահանգ՝ առ 06 հուլիսի 2018թ., թիվ 1706-Ա:	5 ֆերմենտ՝ ամիլազա, լիպազա, պրոտեազա. մանանազա և ցելուլազա պարունակող բազմակոմպոնենտ խտանյութ է: Խտանյութից ստացված աշխատանքային լուծույթները չեն առաջացնում մետաղների ժանգոտում, չեն վնասում ջերմազգայուն նյութերը, լավ լվացվում են: Ունի որակի հավաստագիր, ՀՀ ԱՆ օգտագործման մեթոդական հրահանգ:	Չորս և ավելի ֆերմենտ պարունակող բազմակոմպոնենտ խտանյութի փոխարեն առաջարկվել է միայն ֆերմենտ՝ պրոտեոլիտիկ պրոտեազա պարունակող նյութ:
37	Անիոզել Հականեխիչ գել ձեռքերի հիգիենիկ եւ վիրաբուժական մշակման համար	Անիոզել : Բաղադրությունը - դենատուրացված էթանոլ 60%-75%, իզոպրոպանոլի առկայության դեպքում քանակը չգերազանցի 5%-ը,	<<Դիասեպտիկ 40 գել>>, 1L իրենից ներկայացնում է բազմաբաղադրիչ սպիրտ պարունակող ախտահանիչ միջոց՝ մաշկային հականեխիչ	Դենատուրացված էթանոլ 60%-75%, , ինչպես նաև խոնավեցնող, հարթեցնող, փափկեցնող, պաշտպանիչ հավելումներ	դենատուրացված էթանոլ 60%-75%-ի փոխարեն առաջարկվել է ակլիդիմեթիլբենզիլամոնիումի քլորիդ՝ 0,1%, որպես սիներգետիկ բաղադրիչ

		<p>ինչպես նաև խոնավեցնող, հարթեցնող, փափկեցնող, պաշտպանիչ հավելումներ նախատեսված ձեռքերի մաշկի խնամքի համար: Այն իրենից ներկայացնում է հիպոալերգիկ, տիքստորոպիկ գել (մաշկի վրա վեր է ածվում հեղուկի՝ օժտված բարձր թափանցելիությամբ): Տոքսիկ չէ, չունի տեղային գրգռող, մաշկա-ռեգորֆտիվ և գերզգայունացնող ազդեցություններ: Չպետք է պարունակի հոտավետ բաղադրիչներ: Հականեխիչ գելը պետք է նախատեսված լինի վիրաբույժների, բուժական անձնակազմի ձեռքերի հիգիենիկ մշակման համար հաստատված ՀՀ Առողջապահության նախարարության մեթոդական հրահանգներով: Ունենա որակի հավաստագիր, ՀՀ ԱՆ օգտագործման մեթոդական հրահանգ:</p>	<p>մածուցիկ անգույն թափանցիկ կիրառման համար պատրաստ հեղուկի տեսքով: Որպես հիմնական ազդող նյութ պարունակում է ակլիլդիմեթիլբենզիլա մոնիումի քլորիդ՝ 0,1%, որպես սիներգետիկ բաղադրիչ իզոպրոպանոլ (պրոպանոլ - 2)՝ 40%, ֆունկցիոնալ հավելումներ, այդ թվում՝ ջրի կոնդիցիոներ, էմուլգատոր, փափկացնող հավելումներ, Ե վիտամին, մածուցիկության կարգավորիչ և դեիոնիզացված խմելու ջուր: Ունի ԵՏՄ սերտիֆիկատ և ՀՀ ԱՆ հաստատված մեթոդական հրահանգ առ 06 հուլիսի 2018, 1707-Ա:</p>	<p>նախատեսված ձեռքերի մաշկի խնամքի համար: Այն իրենից ներկայացնում է հիպոալերգիկ, տիքստորոպիկ գել (մաշկի վրա վեր է ածվում հեղուկի՝ օժտված բարձր թափանցելիությամբ): Տոքսիկ չէ, չունի տեղային գրգռող, մաշկա-ռեգորֆտիվ և գերզգայունացնող ազդեցություններ: Չի պարունակում հոտավետ բաղադրիչներ: Հականեխիչ գելը նախատեսված է վիրաբույժների, բուժական անձնակազմի ձեռքերի հիգիենիկ մշակման համար հաստատված ՀՀ Առողջապահության նախարարության մեթոդական հրահանգներով: Ունի որակի հավաստագիր, ՀՀ ԱՆ օգտագործման մեթոդական հրահանգ</p>	<p>իզոպրոպանոլ (պրոպանոլ - 2)՝ 40%, բաղադրությամբ նյութ:</p>
41	<p>Ստերանիոս Բարձր մակարդակի ախտահանող (ԲՄԱ) և մանրէազերծող նյութ - Գլուտարալդեհիդ 20%: Խտանյութ</p>	<p>Ստերանիոս : Բաղադրությունը- Գլուտարալդեհիդ 20%, հակակոռոզիոն հավելումներ, կայունացնող նյութեր և այլ օժանդակ բաղադրամասեր: Ունենա որակի հավաստագիր, ՀՀ ԱՆ օգտագործման մեթոդական</p>	<p><<Ստերոքս>>, գլուտարալդեհիդ 2,7 % -5լ, Ունի ԵՏՄ սերտիֆիկատ և ՀՀ ԱՆ հաստատված մեթոդական հրահանգ՝ առ 06 հուլիսի 2016թ., թիվ 2100-Ա:</p>	<p>Բաղադրությունը- Գլուտարալդեհիդ 20%, հակակոռոզիոն հավելումներ, կայունացնող նյութեր և այլ օժանդակ բաղադրամասեր: Ունի որակի հավաստագիր, ՀՀ ԱՆ օգտագործման մեթոդական հրահանգ:</p>	<p>Գլուտարալդեհիդի 20% խտանյութի փոխարեն առաջարկվել է 2.7% պատրաստի աշխատանքային լուծույթ:</p>

		հրահանգ:			
--	--	----------	--	--	--

Վերը նշված համեմատական աղյուսակի ուսումնասիրությունից ակնհայտ երևում է, որ <<Խաչպար>> ՍՊԸ-ի կողմից ներկայացված ապրանքների տեխնիկական բնութագրերը ակնհայտ տարբերվում են և չեն համապատասխանում գնման ընթացակարգի հրավերով նախատեսված ապրանքի տեխնիկական բնութագրերին, այն է՝ 36-րդ չափաբաժին Չորս և ավելի ֆերմենտ պարունակող բազմակոմպոնենտ խտանյութի փոխարեն առաջարկվել է միայն 1 ֆերմենտ՝ պրոտեոլիտիկ պրոտեազա պարունակող նյութ, 37-րդ չափաբաժին դենատուրացված էթանոլ 60%-75%-ի փոխարեն առաջարկվել է ակլիլդիմեթիլբենզիլամոնիումի քլորիդ՝ 0,1%, որպես սիներգետիկ բաղադրիչ՝ իզոպրոպանոլ (պրոպանոլ - 2)՝ 40%, բաղադրությամբ նյութ և 41-րդ չափաբաժին Գլուտարալդեհիդի 20% խտանյութի փոխարեն առաջարկվել է 2.7% պատրաստի աշխատանքային լուծույթ, այսինքն <<Խաչպար>> ՍՊԸ-ի կողմից հայտով ներկայացված ապրանքները ուղղակի չեն կարող համարժեք լինել Ընթացակարգի հրավերի թիվ 6 հավելվածի՝ պայմանագրի նախագծին կից ներկայացված թիվ 1 հավելվածով՝ տեխնիկական բնութագրով 36, 37 և 41-րդ չափաբաժինների համար նախատեսված ապրանքներին:

Վերոնշյալով պայմանավորված՝ գտնում ենք, որ <<Խաչպար>> ՍՊԸ-ի հայտը գնահատելիս Ընթացակարգի գնահատող հանձնաժողովը պետք է առաջնորդվեր Կարգով և հնարավորություն տար <<Խաչպար>> ՍՊԸ-ին շտկել անհամապատասխանությունները, իսկ դրանք չշտկելու դեպքում համապատասխանաբար մերժեր վերջինիս հայտը, քանի որ <<Խաչպար>> ՍՊԸ-ն թիվ 1.1 հավելվածով՝ առաջարկվող ապրանքի ամբողջական նկարագրով, 36, 37 և 41-րդ չափաբաժինների համար ներկայացրել է այլ տեխնիկական բնութագրերով (անհամապատասխան) սահմանված ապրանքներ (ոչ համարժեք):

Ելնելով վորոգրյալից՝ <<Արմենֆարմ>> ՍՊԸ-ն ՀՀ Գնումների հետ կապված բողոքներ քննող անձին:

խնդրում է

Պարտավորեցնել «Վանաձորի Բժշկական Կենտրոն» ՓԲԸ-ի կողմից քիմիական նյութերի ձեռքբերման նպատակով հայտարարված «ՎԲԿ-ԳՀԱՊՁԲ -20/3» ծածկագրով գնման ընթացակարգի գնահատող հանձնաժողովին.

• Դադարեցնել հանձնաժողովի՝ 24.12.2019թ. ժամը 11:00-ին կայացած նիստի թիվ 3 արձանագրության 6-րդ կետով՝ «Խաչպար» ՍՊԸ-ին Ընթացակարգի 36, 37 և 41-րդ չափաբաժինների մասով 1-ին տեղ զբաղեցնող մասնակից ճանաչելու մասին որոշումը,

• Դադարեցնել հանձնաժողովի 26.12.2019թ. թիվ 4 որոշմամբ Ընթացակարգի 36, 37 և 41-րդ չափաբաժինների մասով «Խաչպար» ՍՊԸ-ի հայտը հրավերի պահանջներին համապատասխան գնահատելու և ընտրված մասնակից ճանաչելու մասին որոշումը,

• Դադարեցնել 2019թ. դեկտեմբերի 26-ին կայացված և www.gnumner.am կայքում հրապարակված պայմանագիր կնքելու մասին որոշումը՝ 36, 37 և 41-րդ չափաբաժինների :

Կից Ձեզ ենք ներկայացնում

1. Բողոքարկման վճարը կատարած լինելը հիմնավորող փաստաթուղթը
2. «Խաչպար» ՍՊԸ-ի կողմից ներկայացված Հավելված 1.1-ի պատճենը
3. Հանձնաժողովի 24□12□2019թ□ թիվ 3 և 26□12□2019թ□ թիվ 4 արձանագրությունների պատճենները
- 4□«Արմենֆարմ» ՍՊԸ-ի տնօրենի անձնագրի պատճեն
- 5□«Արմենֆարմ» ՍՊԸ-ի պետական գրանցման վկայականի պետական ռեգիստրի քաղվածքի տարբերակի պատճեն

Առդիր՝ 21 թերթ:

Հարգանքով՝

«Արմենֆարմ» ՍՊԸ-ի տնօրեն՝



I. Գևորգյան

«10»«հունվարի» 2020թ.